

蒙福天人慶悅讚歎未聞見洞淵神呪威力
巍巍不可言譬同起稽首拜禮扣搏長跪志
心措各修行咸令開悟漸入至真於是三昧
神呪王命三十六天飛天神王等各拈雲璈
天鈞大樂讚歎道君又蔚明羅真人乃奏歌

曰

至真體本無 名號何曾有 宜物即成容
端嚴居衆首 歸依罪自除 綱集非他咎
無無無不無 有有有非有

多聞梵女又奏歌曰

實惠常澄寂 尊中之最尊 普降無生藥
俱治不死塊 即名還是呪 乘馳體亦奔
永超五苦舍 終入自然門

句留神王奏歌曰

赤混太無元 尊神號靈寶 萬有即無為
自然真一道 善出不由他 惡生還自考
能通四見迷 何須絕三惱

神王句留民子奏歌曰

至真無體號 強名為法王 應身隨萬有
濟拔實無方 善心奉神呪 鬼惡改為良

六情無染著 何憂命不長

飛天梵子奏歌曰

善哉方諸地 福慶降天真 哀哀馳競子
賤我貴他身 不知識妄識 恍惚外求神
還歸真一地 保守自然民

諸天仙真大衆悉皆慶悅歎未聞見再拜稽
首唱善奉行

太上洞淵神呪經卷之十一

太上洞淵神呪經卷之十二

衆聖護身消災品

制三

元始天尊告五老上帝九天神王十方至真
神仙聖衆曰我嘗觀察三界萬有五道八門
天人男女含識有性天堂地獄苦樂因果如

聲應響倚伏無窮沈淪死生不能自出念之
在心化道開悟使歸向者引入道源我往昔
來常為汝等三界五道一切蒼生作慈父母
億劫因緣恒相教導或復示現種種色身形
名稱號音聲言語隨機感發和順化說三洞

法音十部妙經建法舟船普加運載開天乘
道攝取有心度脫群生出愛羅網摧破知見
空有是非一切衆生自縛習宿因緣迷
妄惑見飄蕩性情愚癡憍慢自蔽心識三屍
九蟲不可捨離惡業報對自死自生久病長

厄身心痛毒鬼邪精炁乘德沈結若欲除遣
當觀己身起滅根本善惡進退滅念停慮念
我三寶修慈儉讓歸向七真虛無至真道中
之道諸君夫人十方天尊名字神號八清太

素九炁元君起心存想容儀服飭隨其炁



正一天師清微 洪百堅 製作
道教學術資訊網

吐納誦誦心心不散實經符契悉皆受持懸
幡堅花燒香然燈靜意注想心口啓願悔謝
存亡宿根罪咎殃考業對漸得消除若學仙
道士誦念是經智慧開通六覺明了久病痼
疾誦念是經真炁充扶自得康健鬼神所惱

呪誦是經物身鳴鼓擊振鍾磬精應消亡魂
神審定飢渴寒熱獨宿山野呪誦是經吐納
咽液神降靈藥溫涼充飽天地變度五行告
災星宿表祥凶顯惟此呪誦是經惡心順伏
刀兵瘟疫死病相注呪誦是經利一機鋒鬼
精消滅汝等真仙受任統理宜宣秘要濟救
群生使有心者脫諸障惱現世安樂後成道
真誠念兼忘仁惡考敬後已先人揚善化惡
運大法船入智慧海不滌三縛守其真一返
我兩半冥合自然於是五老上帝十方飛天
七聖神仙俱起作禮旋行三匝長跪道前各
各獻說昔所奉受道是神呪符誦真訣三龍
之後救濟萬生善信男女丹誠款待柔和精
進翹心積年誠難不改賤貨崇道專實之人
當依四極明科三元舊典清齋三月若王務

因緣成一七三七書而秘傳輕泄漏慢風刀
考身可不慎哉

玄真護身符神呪頌義

七真曰我等所說諸天上聖已得道者億宗
已來傳習尊受學道男女貴賤長幼受持憶

念有疾即誦有失即誦有凶即誦有厄即誦

有難即誦有憂即誦有樂即誦昔與玄真說

三寶神經亦已具載用持救世有心常寶專

於衷襟保身養性得為道天真救我正真

管我至真衛我玄真係我妙真念我玉真護

我金真濟我七真度我九真存我法鏡映我

玄神廢我流金煥我法乘運我法力防我法

功成我晨燈照我暉耀是我氤氳迅我慈光

冠我雲管覆我玄聖撫我法王接我天神為

我消災萬靈為我度厄地祇為我辟惡萬帝

為我除凶眾聖為我却禍七真降我身安九

真鑒我長存

玄真消災辟禍頌曰

金真乘空降 神虎檢雲管 玉帝披綠霞

諸天命神兵 九辰迴霄駕 萬魔束妖形

九微迅烟出 神將攝邪精 九元開雲路

神威召諸靈 流金擲鋒刃 百惡自消平

神輝耀天宿 除蕩鬼王兵 五象風火發

滅毒金馬呈 群災敢有干 北帝收汝名

聖道正蕩蕩 神威戮鬼精 十方龍騎到

神霄繞鬼城 聖人教我誦 飛符任霄征

十方保劫運 使我亨利貞

玄聖消五方凶神惡鬼符頌曰

法鼓震天地 神煙掣九真 流金豁擲落

大象隨電生 魔風不逆運 雲公煥火鈴

朗朗神功攝 天宿無虧盈 迅輪火甲奮

神電戮鬼形 紫映毒龍衛 送妖北寒庭

神風浪九陔 八道自然明 九天忽以開

鬼啼又自傾 千千束束手 萬萬不留停

以符付天人 誦符保萬齡 上慶終無劫

慈心方太平 清齋守真寂 億億好鮮榮

流通若電轉 諸天利汝名 人人各一誦

保子永長身

七真命十天帝收六天鬼兵符頌曰

吾命十天帝 豁落振威風 神將橫地道

收攝六鬼神 煙焰虛中生 錦雲拂靈風
 上保諸天祚 玄象豈知終 中安帝王基
 靈化憐神鍾 下救天地人 飛騎討魔公
 七曜神光擲 百惡莫能凶 十天奉符發
 萬帝應雲龍 飄飄度八難 五道並原蒙
 五帝即宣告 疾如水火風 護度三災
 十方欣隆 普天元慶 保惠無窮
 七真曰夫人若歸依授持寫此符一道別
 帶呪頌臨終自隨保其魂神不經十苦八難
 三塗五道六趣之中死生當奉符送靈爽昇
 於十方無為福堂九誦神安十誦神清百誦
 災消千誦無嬰若佩若誦萬神禮敬日夜常
 為四體咸寧常誦體安萬劫保形百惡摧崩
 諸天咸聽十方鬼王敢聞誦聲七真曰今以
 此法永傳後世無窮劫中保度無量天人也
 爾時衆中有天丁力士白民子等同起作禮
 再拜長跪法心上啓天尊曰我等自惟億劫
 緣運得奉尊顏預在塵香見諸大王各說法
 要願救群生拔其苦難今入道門不勝欣躍
 我等昔於修陀羅國從九天真人奉受神呪

雖蒙啓訓昏迷不解唯久真心專依口訣禮
 拜呪誦心慮不輟精神積感道然遂通漸得
 開悟心識未了自觀身心恍惚虛妄真大驚
 怖歸向無所更詣真皇乞慈濟養真皇良久
 矚目含笑言曰汝等鬼王從昔以來隨悉離
 合神變自在謂保常住心志浮蕩妄自分別
 空有是非起滅因果業係往來迷惑馳競意
 欲殺他心乃自殺留連五道繫縛八門何可
 脫焉汝等若能不起六情隨順二有修真道
 實不生念慮向背取捨乃名入道亦不知見
 入道名字一順諸法合於自然可無怖畏汝
 之身心二有因假本非真實豈以妄心而生
 恐怖白民子曰今蒙天尊重示我等不生之
 命不起心法得無畏訣定真實不厭取捨方
 便修行無所憚著和同事業引入道源今說
 神呪普施天人歸心慕者令得安樂乃說呪
 曰

誦純大一 九炁化生 景精奮耀
 流金火鈴 鬱勃煥爛 含月吐星
 毒龍擲火 烏母持瓶 召攝六部
 誦
 三天真人曰來世之中學道求真善信男女
 或居祿位或隱山林或隱朝市遇陽九百六
 否泰之際元命期至運厄交集刀兵水火瘟疫
 疫飢荒衆災起時當自安心守志不關人事
 清淨建齋 宛香然燈或存思吐納鳴鼓擊振
 鍾磬四言一叩內外神合頂出九光照明三
 界頭戴七星對衝其前三炁雲光從五藏出
 誦
 三天真人說消除瘟疫星宿變度神
 呪
 景精中王 威振九天 金虎蔽日
 飛龍繞乾 黃神秉鉞 綠齒揚鞭
 璣衡五斗 平調七元 收捕九醜
 殺滅六天 手持三景 足躡九玄
 八威吐毒 天丁導前 討察妖精
 送著九泉 十天保國 萬有安全

匪覆一身遶充八極變為龍虎獅子辟邪驅
馳前後各依方色吐其王炁流金火鈴消滅
災難於是上天大衆至聖真仙普皆下降五
帝携接脫免災瘴轉入道源晉告衆生善信
男女心歸向者必得安樂無為養神亦應自
歸我之三寶攝念不散一七二七乃至三月
燒香禮拜高上玉皇八清道君十方靈寶無
極天尊九官四極太清靈官得道聖衆響其
名號旋得講誦三業建善上徹幽玄有心自
感道不違人於是天尊奉讚三尊而作頌曰
大道無去來 物自有隨迎 寂然非稱號
呼吸是姓名 常住無終滅 運感豈初生
我今稽首禮 歸命玉皇庭 煥赫龍鳳文
威光朗十天 感去藏金格 機來啓玉篇
空聲響華響 隱顯作階筌 呪誦歌情性
調暢入幽玄 巍巍道德尊 功行已圓齊
降身來接我 師保自相携 慈悲惠法水
以用洗愚迷 永度三清岸 長辭五濁泥
真皇於是讚詠三尊已發願言曰我於今日
為將來世既以正法養護群生隨俗教化行

大衆道順入群方同其事業因緣報對方便
利益建齋行道今修願念四大合德同一
源
一願大道淵沖真源虛湛境有威表智無增
減

二願九天清明七曜高明元精和降潤色群
生

三願九地安靜山川沃壤萬卉常榮醴泉增
長含識有形皆蒙載養

四願天皇秉治真聖佐時幽冥感澤動植咸
宜溥和感長保守洪基

五願三師道友普證六通德充慧辯開導愚
蒙隱顯世道是物和同心識無染身飛太空

六願八門五道考對消除惡緣永絕善慶恒
居竟奕冠帶衣食天廚

七願壇飛蠢動已生未生元精潤色保性和
平皆蒙歡泰俱受欣榮

八願普加運載同昇玉清志恩玄寂人因道
成俱歸福果道炁延生

五老帝君保國學仙消災神呪

於時五老上帝同起再拜整服飲容長跪專
前上啓言曰我等億劫以來隨運隱顯奉受
靈寶常以方便濟度有生引入自然無為正
法明了世道本末因緣起滅報對我昔奉受
真經呪訣心念口傳未敢輕陳漏泄篇簡今

奉勅教不敢覆藏有保鎮神呪是三洞妙本
九炁元精混合百神內名隱伏功業智慧圓

備照朗於餘經中亦已說之行道誦念內鏡
身心外消災難上真高聖乃能洞解玄理義

隱不示下仙後學凡迷可能宣傳真心信受
聞意奉行清齋靜默存想神炁鳴鼓吐納係

念誦持真靈通降立致昇仙沉小災危而不
過免乎專誠自感道不違人今謹誦曰

元精混沌 青炁散分 神童十二
保鎮肝魂 二七四五 變化雲營

九竈九社 老木不淳 神虎吐毒
劍擲火焚 掃滅青炁 光景妖氛

識不馳妄 安帝帝君
赤明開闢 炎精扇魔 三重一宅

煥赫浮飄 司明得失 萬帝朝宗

朱鳳吐火 金石化銷 流鈴飛電
 馘斬赤妖 束縛九醜 灰覆火燒
 肅清皇祚 道德逍遙
 金精一啓 太白七分 帝君靈府
 流飄素雲 召龍負水 殺滅赫煙
 長牙巨獸 討捕兇群 百靈安鎮
 我得自然
 玄光豁落 五炁流行 雙闕上帝
 萬神化生 安志守智 敢食炎精
 蒼龍吐電 摧破黃兵 晶晶振劍
 奔飛火星 三天力士 收滅萬精
 保家安國 道治昇平
 混沌元一 黃像紛馳 感覆真老
 變化嬰兒 養育九炁 胎生兩儀
 日月上奔 星辰下垂 風火爭擊
 刀劍亂馳 六天九醜 爽破心離
 太上符命 何敢不隨 有生安樂
 入道無為

道况誦禮拜亦復應當精備丹朱簡素紙墨
 書畫神符懸鎮佩服章表召請太清太極神
 官吏兵營護決罰凶精鬼賊但天書玄妙皆
 是九炁精像百神名諱變狀形兆文勢曲折
 隱韻內名威神功患之所建立能滅災異保
 養元和鎮十二時辰門戶井竈廁溷之上所
 以然者凡人居世或見昏迷未入正一盟威
 之道靈寶惠源性情馳染心不自主妄生恐
 怖六天九醜知其心動因生災害是故須以
 神符保鎮真炁護持契合自然令得安立有
 病苦者亦當吞服修存誦念三時行道庭中
 北向口啓吏兵奏章騰請燒香然燈懸繒幡
 花旋行歌詠法界威儀具依三錄四極明真
 戒律科法輕泄漏慢殃延九祖蔚明羅王出
 大衆前再拜長跪擎持玉案開發金函焚百
 寶香鳴鼓閉氣示衆儀則教其玉簡書以告
 傳於是三十六天向婁王等俱起再拜上啓
 天尊曰我從昔來所得法味真要等呪悉以
 陳說今諸大衆天人神仙各隨方國救拔苦
 厄興隆聖道保國安民大法弘普廣度無窮

明告來生末世男女有能歸向專心信者當
 賞命緇丹青啓指立齋關告如明真科典亦
 以珍美甘果我所上味獻醮五帝及三十六
 天諸君丈人自然尊神以求所願諸真王等
 不勝喜慶異體同心而歌頌曰
 懸洞淵澄海 法水常滿盈 寂然無人號
 動喚有功名 色性與神呪 顯發洞淵經
 有害施群生 遂感示尊形 降化方諸地
 飛昇道玉京 不來亦不去 不滅亦不生
 煥赫龍鳳文 離合襟神符 世情別貴賤
 道不問賢愚 精心感慶有 泄慢福乃無
 善惡非他對 昇沉與自俱 終歸我三寶
 冥惠可相扶
 難遇今乃值 聖道呪符篇 一生已欣幸
 萬劫更良緣 有情自感受 無心不遇傳
 八門絕報對 九祖並蒙遷 散聚欣歌會
 稽首帝君前
 法會將軍天尊今五老命駕十方仙真俱起
 再拜變身八景雲輿飛輶輝輝燁燁天鈞震
 響天真道從乘空駕浮遠昇玉清